


Ni Consejo General tlen Weyitekikalko Instituto Estatal Electoral de Hidalgo: TLANOHNOTSIA



Nochi masewalmeh tlen Hidalgo ewanilh tlen kikneki moixpantiseh ika se

Candidatura Independiente noso Independiente Indígena

Masewaltsitsi ipan ohtli Proceso Electoral Local 2023-2024 xiwitl, ma moyankwilis ni
Weyisentilistli **Congreso Local** ika Diputaciones Locales.

TLEN MONEKI

SE. Ipan domingo 02 tonalli tlen junio meetstli tlen 2024 xiwitl, mochiwas Wasanilistekitt Jornada Electoral kampa mopehpenis ahkiya kiixnestis diputaciones locales.

OME. Masewalmeh tlen Hidalgo ewanilh tlen kikneki tekitiseh moneki kintlepanitaseh tlen kisenkawa piltlanawatilli 31 tlen Hidalgo Weyitlanawatilamatl Constitución Política del Estado de Hidalgo.

EYI. Axweli kintlahtlaniseh ininamahtlalilistli masewalmeh katli kiyekana nechikolmeh partidos políticos, san tleh kikawahtokeh itekitl achtowi ika eyi xiwitl kema kitlahtlanis imahtlalilis.

NAWI. Masewalmeh katli moixpantia keh masewaltsitsi weli tekitiseh ika ni Candidaturas Independientes Indígenas pampa kikipias ininnehemilis wan yolik mowikas iohitli.

MAKWILLI. TLEN ITLAPANKAH:

A. Masewalli tlen kikneki moixpantis moneki kimatiltis Weyitekikalko Instituto Estatal Electoral, ika amahtlahkwilolli tlen motokachtia "Manifestación de Intención", ipan 1 tonalli tlen noviembre meetstli ipan 2023 xiwitl asta 20 tonalli tlen diciembre meetstli ipan 2023 xiwitl.

Ni amatl manifestación de intención moneki motemakas kampa Secretaría Ejecutiva tlen Consejo General tlen Instituto Estatal Electoral, kiixpantis masewalli tlen kikneki tekitis keh moaxkatilis propietario de la fórmula, ika tlen mosenkahtok ipan Formato 1.

Ika ni kamanalli Candidatura Independiente Indígena, moneki kiihkwilos ipan Formato 1, tlah iixpantilis eli iseltik noso iwaya sekinok masewalmeh.

Ni manifestación de intención moneki kiwikas ni amahitinih:

- Ixkopinka tlen kwalli moitas wan ome ixayak tlen iamahixnecxayoh ika wasania tlen masewalli kikneki tekitis.
- Ixkopinka tlen amahtlakatilis tlen masewalli katli kikneki tekitis;
- Amahtlahkwilolli kampa melawak ixnesis nochi tlen moneki kitlepanitah ma kiwasanikah yani ipan Formato 2.
- Ixkopinka ika machiyo noso amahtlakwilolli tlen Acta Constitutiva, ipan Formato 3.
- Ixkopinka tlenweli amahtlahkwilolli kikixihtok Servicio de Administración Tributaria kampa ixnesis Registro Federal de Contribuyentes de la Asociación Civil;
- Ixkopinka tlen kwalli moitas tlen sankawalistli ika cuenta bancaria tlen kikaltapohtok Asociación Civil itokah wan mochihtok san ika ni kamanalli Candidatura Independiente noso Independiente Indígena;
- Amahtlakwilolli tlen kiwasanihtok masewalli katli kikneki tekitis wan kampa moihtos kiselia yolmelawalistli ika tepostinih correo electrónico ipan Formato 4.
- Imachiyo tlen ika moixpantis ipan tonalpa wan kitlahtlanis palewilistli tlen masewalmeh moneki kiixpantis ipan amatl wan nohka ipan tepostinih digital (memoria USB), kampa mosenkawas yani:

- Amahtlahkwilolli tlen kwalli motekitis ika ni tepostekikayoh software illustrator noso Corel Draw;
- Iwewexkah: tlen moneki ipan cuadrado tlen 5x5 cm;
- Ixkopintli moneki ika ni: trazada en vectores;
- Tlahkwilolli: katli axweli kinpatlaseh wan mokwepas ika vectores;
- Tlapalli: ika yekanilli tlapalli kampa moihtos porcentajes wan/noso pantones tlen motekiwihotok;
- Imachiyoh axweli kiwikas ixkopinka noso iakawil tlen masewalli katli kikneki tekitis, wan ipan yonse kamalli weli nesis iwikal tlen nechikolmeh partidos políticos; wan
- Moneki motemakas ipan formato JPN, PNG, JPEG o GIF, axpanos 500 KB.

i) Nohka tlawel moneki motemakas seyok correo electrónico, nohka tlakiya tekpanti kitekiwia ika melawak moitas ipan Google noso Facebook ma kiampa kinpalewiheseh masewalmeh.

Ni manifestación de intención ika Candidaturas Independientes Indígenas moneki nohka kiwikas Declaración de autoadscripción indígena kampa moihtowa masewaltsitsi (Formato 5) wan Declaración de pertenencia indígena calificada yani sekinok masewalmeh kiwelitah kena masewaltsitsi (Formato 6).

Ni masewaltsitsi tlen kiihtos kena kikneki kiixpantis se Candidatura Independiente Indígena, moneki kitlepanitas wan kisenkawas nochi tlen moihtowa ipan Weyitlanawatilamatl Constitución Federal wan Local, nohka kiixnextis kampa mosenkawa ya masewaltsitsi pertenencia indígena calificada.

Kema motlachilis amahitinih kampa mosenkawa masewaltsitsi pertenencia indígena

calificada mochiwas ipan manifestación de la intención itlapankah.

Kema motlamis tonalli kampa moixnextis manifestación de intención wan tlah kiwelita ni Consejo General keh kena moixpantis "Aspirante a Candidatura Independiente" noso tlah kiampa "Aspirante a Candidatura Independiente Indígena", motemakas iamah kampa moihtos.

B. Masewalmeh ipalewilis mochiwas ika tonalpa tlen 04 tonalli tlen enero meetstli asta 17 tonalli tlen febrero meetstli ipan 2024 xiwitl.

Masewalli katli kena moixpantis keh kikneki tekitis, moneki kisenkohtilis nochi palewilistli ipan amahtlahkwilolli motokachtia "Porcentaje de Apoyo Ciudadano para Candidaturas Independientes" Formato 7 wan "Porcentajes de apoyo ciudadano para Candidaturas Independientes Indígenas", Formato 7 BIS ika tlen mowelitas kampa Distrito Electoral Local ikamanal.

Masewalli tlen kikneki tekitis ipan Candidatura Independiente Indígena weli kihtos, ika xoxolkayotl, kenihkatsa moixpantis, yani weli mochiwas iseltik noso iwaya sekinok masewalmeh.

Ma masewalmeh kipalewiheseh, masewalli katli kikneki tekitis moneki kikipias tepostinih wan kitekiwis aplicación móvil, ika tlanawatilpa Lineamientos.

Ika ni Candidaturas Independientes Indígenas, masewalli katli kikneki tekitis weli kitekiwis amahitinih cédulas físicas ma kisenkotilis masewalmeh ipalewilis, san kampa iseltik moixpantis.

Nochi tlachiwalistli kampa mosenkohtilis masewalmeh ipalewilis mochiwas ika tlanawatilli asis wan motekiwis san kampa mosenkahtok ipan Consejo General, moixnextia ipan Formato 8.

C. Masewalmeh katli kikneki tekitiseh wan kisekohtili achi kentsi palewilistli weli kintlahtlaniseh ininamahtlalilistli.

Ni amahtlahtlanilistli moneki mochiwas iixpa Consejo General wan moneki kiwikas nohka ni Formatos 9, 10, 11 wan 12.

Nochi formatos tlen kisenkahtok ni Tlanohnotsalistli, motlatskitokeh nohka wan kwalli moitas ipan electrónica iswatl tlen Weyitekikalko Instituto Estatal Electoral del Estado de Hidalgo www.ieehidalgo.org.mx

D. Nochi Candidaturas Independientes wan Independientes Indígenas tlen moamahtlalihtokeh, kintlepanitaseh tlen mosenkahtok ipan Código Electoral wan nochi senkawalistli tlen Consejo General kiwelitas pampa ikamanal.

E. Masewalmeh katli kikneki tekitiseh ininyolmelawalis momokwitlawiseh wan axonkas ahkaya kimatis san motekiwiheseh ma mosenkawas tlen ni Código Electoral wan sesen itlapankah tlen ni tlanohnotsalistli.

F. Tlah se tlamantli axmoitak ipan ni kisenkawas Consejo General del Instituto Estatal Electoral de Hidalgo.

Ni Tlanohnotsalistli kiwelitah Weyisentilistli Pleno del Consejo General del Instituto Estatal Electoral de Hidalgo, ika Senkawalistli Acuerdo IEEH/CG/065/2023, ipan 31 tonalli tlen octubre meetstli ipan 2023 xiwitl.

www.ieehidalgo.org.mx

